

MAISU-MAISTREN KIDEGOAN SARTZEKO ETA KIDEGO HORRETAN ESPEZIALITATE BERRIAK ESKURATZEKO 2024ko HAUTAPEN PROZEDUREI BURUZ MAIZ EGITEN DIREN GALDERAK

PROZEDURARAKO ONARPENA

Zer jarduketa egin behar dira eskabideak aurkezteko epea amaitzen denean?

Eskabideak aurkezteko epea bukatutakoan, Irakasleak Hautatzeko eta Lanpostuak Betetzeko Zerbitzuak **onartuen behin-behineko zerrendak onesten dituen Ebazpena** argitaratuko du deialdiaren webguneko fitxan [[sartzea](#)] [[espezialitate berriak eskuratzea](#)]:

<https://tramitespersonal.navarra.es/eu/tramites/on/-/line/concurso-oposicion-adquisicion-nuevas-especialidades-maestros-2024> Zerrenda horietan parte-hartzaileen izen-deiturak eta bakoitzaren prozedurak azalduko dira, bai eta, baztertuz gero, horren arrazoiak ere.

- Hala behar bada, gaztelania-maila neurtzeko proba egin behar duten izangaien behin-behineko zerrenda.

Behin-behineko zerrendak onesten dituen ebazpena argitaratzearekin ulertuko da interesdunei egin beharreko jakinarazpena egin dela, Administrazio Publikoaren Administrazio Prozedura Erkideari buruzko urriaren 1eko 39/2015 Legearen 40. artikuluan eta hurrengoetan xedatutakoarekin bat.

Izangaiek hamar egun baliouduneko epea izanen dute, ebazpena argitaratu eta biharamunetik hasita, erreklamazioak aurkezteko eta, kasua bada, baztertua edo ez onartua izatea eragin duen akatsa zuzentzeko. Era berean, beren datu pertsonalak ematean akatsak egin direla ohartu diren izangaiek epe horretan berean adierazten ahalko dute. Erreklamazioak telematikoki aurkeztuko dira deialdiaren webguneko fitxan.

Behin-behineko zerrendei jarritako erreklamazioak ebatzi ondoren, **onartutako behin betiko zerrendak onesten dituen ebazpena** emanen da, eta hartan sartuko:

- Prozedura bakoitzeko onartu eta baztertuen behin betiko zerrendak, espezialitate eta hizkuntzaren arabera.

- Hala behar denean, gaztelania-maila neurtzeko proba egin behar duten izangaien behin betiko zerrenda.

Ebazpen hori deialdiaren webguneko fitxan argitaratuko da.

Behin betiko zerrendak onesten dituen ebazpena argitaratzearekin ulertuko da interesdunei egin beharreko jakinarazpena egin zaiela, Administrazio Publikoen Administrazio Prozedura Erkideari buruzko urriaren 1eko 39/2015 Legearen 40. artikuluan eta hurrengoetan xedatutakoarekin bat.

KIDEGOAN SARTZEKO HAUTAPEN PROZEDURA

Zein dira hautapen prozeduraren faseak?

Hautapen prozesuak bi aldi izanen ditu: batetik, lehiaketaldia, non izangaien merezimenduak baloratuko baitira deialdi honen I. eranskinean ageri den merezimendu baremoaren arabera; eta bestetik, oposizioaldia, non kontuan hartuko baitira kasuan kasuko irakaskuntza espezialitateko berariazko ezagutzak, gaitasun pedagogikoa eta irakaslanerako behar diren tekniken ezagutza. Halaber, praktikaldi bat egin beharko da, hautapen prozeduraren parte izanen dena. Praktikaldia

Zein dira oposizioaldiko probak?

Oposizioaldiak bi proba izanen ditu, biak ala biak baztergarriak. Horietako bakoitzak bi zati izanen ditu:

Lehenbiziko probak zati hauek izanen ditu:

- A zatia: proba praktikoa bat, deialdiaren zazpigarren oinarriko 2.3 atalean xedatutakoari jarraikiz.
- B zatia: idatzizko ariketa bat, deialdiaren zazpigarren oinarriko 2.3 atalean ezarritakoari jarraikiz.

Bigarren probak zati hauek izanen ditu:

- A zatia: programazio didaktikoa bat aurkeztea, azaltzea eta defendatzea, deialdiaren zazpigarren oinarriko 2.4 atalean xedatutakoari jarraikiz.
- B zatia: unitate didaktikoa bat prestatzea, azaltzea eta defendatzea, deialdiaren zazpigarren oinarriko 2.4 atalean xedatutakoari jarraikiz.

Noiz hasiko da oposizioaldia?

Oposizioaldiko probak ez dira 2024ko maiatzaren 10a baino lehenago hasiko. Aurkezpen-ekitaldia egingen da (zazpigarren oinarriko 2.1 puntua).

Zein hizkuntzatan egin behar dira oposizioaldiko probak?

Irakaskuntzako funtzio publikorako sarbidea arautzen duen abenduaren 27ko 17/2017 Foru Legean xedatutakoarekin bat, espezialitatea zein hizkuntzatan emanen den edo zein hizkuntza-espezialitate den, hautapena guztiak hizkuntza horretan egin beharko dira.

Zer araudik arautzen ditu oposizioko gai-zerrendak?

Deialdiko II. eranskinean zehazten da zer araudik arautzen dituen gai-zerrendak.

Zein dira oposizioaldiko proba praktikoaren ezaugarriak?

Informazio hori deialdiko III. eranskinean jasota dago.

Lehen ariketako bigarren probara aurkez naiteke lehen probara aurkeztu ez banaiz?

Ez, deialdiaren zazpigarren oinarriko 2 puntuak honako hau baitio: "Izangaiek oposizioaldiko proben ariketa guztietara agertu behar dute. Horietakoren batera agertzen ez badira, baztertu egingen dira hautapen-prozeduratik". Eta, lehenago, hau zehazten du: "Izangaiei dei bakarria egingen zaie epaimahaien aurreko jarduketak egiteko, eta agertzen ez direnak hautapen prozesutik kanpo geldituko dira". Beraz, ariketa batera ez agertzeak hautapen-prozesutik kanpo gelditzea dakar. Izangai bat ez bada aurkezten oposizioko lehenbiziko ariketara (eskuarki, lehen probako B zatia), ezin da aurkeztu lehen probako bigarren ariketara.

PROGRAMAZIO DIDAKTIKOA ETA UNITATE DIDAKTIKOA

Zer ulertzen da deialdian esaten bada izangaiak egin duela programazio didaktikoa?

Programazio didaktikoek eta, ondorioz, unitate didaktikoek izangai bakoitzaren originalak eta pertsonalak izan behar dute, eta bakarka egin behar dira.

Zer eduki izan behar dute programazioak eta unitate didaktikoak?

Informazio hori deialdiaren IV. eta V. eranskinetan dago, otsailaren 23ko 276/2007 Errege Dekretuan ezarritakoarekin bat. Izan ere, errege dekretu horrek onesten du Hezkuntzari buruzko maiatzaren 3ko 2/2006 Lege Organikoan aipatzen diren irakasle kidegoetan sartu, eta espezialitate berriak lortzeko erregelamendua.

Programazio didaktikoak Nafarroako Foru Komunitateko ikastetxe publiko bat hartu beharko du testuinguru gisa, 2023-24 ikasturtean, eta parte hartzen den espezialitatekin lotutako arlo edo eremu (arlo edo eremuak, Haur Hezkuntzako bigarren zikloaren kasuan) baten curriculumari buruzkoa izanen da. Honako elementu hauek zehaztu beharko dira: funtsezko konpetentziak, konpetentzia espezifikoak, ebaluazio irizpideak, oinarrizko jakintzen sekuentzia, ikaskuntza egoerak, ebaluazio prozedurak eta tresnak, kalifikazio irizpideak, errekuperaziorako sistema (Lehen Hezkuntzarako soilik), metodologia, materialak eta baliabide didaktikoak, aniztasunari erantzutea, jarduera osagarriak, zeharkako elementuak eta programazioaren jarraipena eta ebaluazioa. Elementu horiek guztiek ebazpen honen IV. eranskinean jasotako balorazio irizpideei erantzunen diete".

Programazioa kasuan kasuko espezialitateko irakasleek irakasteko eskumena duten hezkuntza maila edo etapa baten ikasturte baterako prestatuko da.

Zein formatu eta luzera izan behar ditu programazio didaktikoak?

Programazio didaktikoak gehienez ere 50 orrialde zenbakitu izanen ditu, DIN-A4 formatuan, lerroarte arruntarekin, 12 puntuko Arial letra erabiliz, konprimatu gabe. Grafika, taula, irudi eta antzekoetan 10 puntuko Arial letra erabiltzen ahalko da. Argazki-oinetan, orri-oinetan eta goiburuan Arial ez den beste letra mota bat eta aipatutakoak baino neurri txikiagoak erabiltzen ahalko dira. Azalaren diseinua libre da, baina nahitaez jasoko dira izangaiaren izena, abizenak eta NAN zenbakia edo identifikazio agiria. Programazioak gutxienez 10 unitate didaktiko zenbakidun eduki beharko ditu. Programazio didaktikoaren azala, kontrazala eta aurkibidea ez dira zenbatuko 50 orrialde horien barruan. Izangaiak bere borondatez eranskinak edo material lagungarriak gehitzen baditu, ulertuko da baimendutako orri kopuruaren barruan daudela, eta horiek ere aipatutako ezaugarri teknikoak bete beharko dituzte.

Programazioa egiteko, izangaiak deialdi honen V. eranskineko 1. atalean aipatutako curriculumak erabili beharko dituzte.

Haur Hezkuntzako etapan, curriculumeko arlo bat baino gehiago oinarri dituzten programazio didaktikoak aurkez daitezke?

Bai, Haur Hezkuntzako etapako curriculumari buruzko programazio didaktikoetan curriculumaren hainbat arlo sar daitezke.

Entzumena eta Hizkuntza edo Pedagogia Terapeutikoa espezialitateetako programazio didaktikoen kasuan, aurkez daiteke Urteko Banakako Plana?

Bai. Espezialitate horien kasuan, urteko lan-plan bat aurkezten ahalko da, espezialitate horretako irakasleek irakaskuntza-eskumena esleiturik duten maila edo etapetako bateko ikasturte baterako hezkuntza-laguntzako berariazko premiak dituen ikasle batentzat.

MEREZIMENDUEN BAREMOKO I. ATALA: IRAKASLE LANETAN EGINDAKO ZERBITZUAK

Nola justifikatuko dira Nafarroako Gobernu Hezkuntza Departamentuarendako egindako zerbitzuak?

Irakasleak Hautatzeko eta Lanpostuak Betetzeko Zerbitzuak ofizioz aurkeztuko ditu izangai guztiek Nafarroako Gobernu Hezkuntza Departamentuan egindako zerbitzuak. Hartara, ez da beharrezkoa inolako agiririk eskatzea edo aurkeztea.

Nola justifikatuko dira beste hezkuntza administrazio batzuetan egindako zerbitzuak?

Zerbitzuei buruz hezkuntza administrazio horiek egindako ziurtagiriaren bidez. Kasu guztietan adierazi behar da zein kidegotarako izendatu zen, edo haren kode ofiziala, baita zerbitzuak hasi eta bukatu zireneko data zehatzak ere. Ez dira onartuko jabetza hartzeko eta zerbitzuak uzteko orriak.

Nola justifikatuko dira ikastetxe publikoez bestelako ikastetxeetan egindako zerbitzuak?

Ikastetxeko zuzendariaren ziurtagiri baten bidez. Ziurtagiri horrek Hezkuntza Administrazioako Hezkuntza Ikuskaritzako Zerbitzuaren oniritzia izan beharko du, eta hartan agertu beharko da zer hezkuntza-mailatan edo etapatan jardun duen, baita zerbitzuen benetako iraupena ere, zerbitzuen hasiera-data eta amaiera-data zehatzak adierazita. Ziurtagiri horiei oniritzia emateko, Hezkuntzako Ikuskapen Zerbitzuak interesdunei eskatuko die lan bizitzari buruzko txosten eguneratua eta kontratuak aurkez ditzatela.

Nafarroako ikastetxeei dagokienez, Nafarroako Hezkuntzako Ikuskaritza Zerbitzuaren oniritzia deialdiaren aipamenaren bidez izapidetuko da, horretarako diseinatutako atalean.

Tramite hori Nafarroan nola egin behar den ez badakizu, dei ezazu 848 422 65 42 telefonora edo idatz ezazu sie/hiz@navarra.es helbide elektronikora.

Nola justifikatuko dira Espainiako zein atzerriko unibertsitateetan egindako zerbitzuak?

Unibertsitatearen ziurtagiria beharko da, honako hauek adieraziko dituen: zerbitzuak noiz hasi eta bukatu ziren, data zehatzak adierazirik, eta zerbitzu horiek irakasle gisa izan zirela.

Nola justifikatu behar dira atzerrian egindako zerbitzuak?

Dagokion herrialdeko Hezkuntza Ministerioak edo Espainiar Estatuak Atzerrian duen Administrazio Orokorrak egindako ziurtagiriaren bidez frogatuko dira. Bertan honako hauek adierazi beharko dira: irakatsi den hezkuntza maila eta irakasgaia, zerbitzuen iraupena eta horiek hasi eta bukatu zireneko data zehatzak. Ziurtagiri horiek gaztelaniazko itzulpenarekin batera aurkeztu beharko dira. Zinpeko itzultzaileek egin beharko dituzte itzulpen horiek.

MEREZIMENDUEN BAREMOKO II.1 ATALA: ESPEDIENTE AKADEMIKOA

Eskatzen den tituluaren espediente akademikoan ez bada batez besteko nota agertzen, espedientea balioetsiko da?

Aurkeztutako espediente akademikoa soilik balioetsiko da batez besteko nota agertzen bada. Horregatik, beren espediente akademikoetan batez besteko nota ez duten izangaiek hura kalkulatzeko eskatu beharko diote dagokion unibertsitateari.

Espediente akademikoaren batez besteko nota aurkeztea ezinezkoa bada, titulazioari dagokion ikasketa planaren ondorioz **ikastetxeak hura kalkulatzetik ez duelako**, irizpide hauen arabera kalkulatu da espediente akademikoaren batez besteko nota:

- Irakasgaien arabera antolatutako ikasketa planak direnean, batez besteko nota ateratzeko, puntuazio guztien batuketaren emaitza zati irakasgaien kopurua egiten da.

Kredituen bidez antolatutako ikasketa planak direnean, izangaiaren espediente akademikoaren batez besteko puntuazioa ateratzeko formula hau erabiliko da: izangaiak lortutako kredituen batura, horietako bakoitza kasuko kalifikazioen balioarekin biderkatuta, zati guztira lortutako kreditu kopurua.

- Irakasgaien puntuazioak zenbaki bidez adierazita ez badaude, lehen aipatutako baliokidetasunak aplikatuko dira.
- Ondorio horietarako, praktiketako nota beste irakasgai bat balitz bezala zenbatuko da.
- Espedientearen irakasgai baliokotutak edo "gai" kalifikazioa dutenak azaltzen badira, ez dute inolako baliorik izanen, lehiatzaileak aurkezten ez badu baliokotutako edo "gai" gisa kalifikatutako irakasgaiaren zenbakizko balioa azaltzen duen ziurtagiria.
- Ikasketa planaren barrenean ez dauden prestakuntza jardueren bidez lortutako kredituak ez dira zenbakitara ekarriko, eta ez dira aintzat hartuko ikasketa espedientearen batez bestekoa ateratzeko.

Eskaerak aurkezteko epean batez besteko nota ez duten ikasketa-espedienteak aurkeztu badira, haiek zuzentzeko eskatuko da merezimenduen behin-behineko balioespenak argitaratzen direnean.

Espediente akademikoaren **batez besteko nota aurkeztea ezinezkoa bada**, izangaiak bi ziurtagiri hauek igorri beharko ditu:

- Ziurtagiri akademiko pertsonala.
- Ikasketak egin zituen ikastetxearen ziurtagiria, titulazioari dagokion ikasketa planaren ondorioz ikastetxeak batez besteko nota kalkulatzetik ez duela adierazten duena.

MEREZIMENDUEN BAREMOKO II.3 ATALA: UNIBERTSITATEKO BESTE TITULAZIO BATZUK

Gradu tituluak baliosten dira?

Bai. Unibertsitateko gradu titulu ofizialaren kopia elektronikoa aurkezteak balioko du, bakar-bakarrik, bigarren zikloko titulazioari dagokion puntuazioa aitortzeko, salbu eta behar den ikasketa-ziurtagiria aurkezten bada, unibertsitateko gradu titulu ofiziala lortzeko kreditu guztiak egin eta gainditu direla egiaztatzen duena; kasu horretan, 2.3.1 azpiatalari (lehen zikloko titulazioak) dagokion puntuazioa ere emanen zaio.

Titulazio berean oinarritzen diren espezialitateak edo aipamenak baliotsiko dira?

Ez, ez baitira titulu desberdintzat hartzen.

MEREZIMENDUEN BAREMOKO 2.4. ATALA: HIZKUNTZA ESKOLA OFIZIALETAKO TITULAZIOAK

Zein hizkuntza balioetsiko dira baremoko azpiatal honetan?

Hizkuntza Eskola Ofizialek emandako maila aurreratuko ziurtagiriak baizik ez dira baloratuko.

Izangaiak lortu nahi duen lanpostua euskaraz eman beharrekoa bada, ez da baloratuko hizkuntza eskola ofizialek luzatutako euskara maila aurreratuko ziurtagiria.

Zein ziurtagiri balioetsiko dira?

Abenduaren 22ko 1041/2017 Errege Dekretuan (abenduaren 23ko BOE) ezarritako C1 eta C2 mailetako ziurtagiriak, bai eta II. eranskinean ezarritako baliokidetzak ere. Hizkuntza bakoitzean ziurtagiri bakar bat puntuatuko da, egiaztatzen den maila gorenari dagokiona.

MEREZIMENDUEN BAREMOKO 2.5. ATALA: ATZERRIKO HIZKUNTZEN TITULUAK

Zein hizkuntza balioetsiko dira baremoko azpiatal honetan?

ACLESek (Goi Mailako Irakaskuntzako Hizkuntzen Ikastetxeen Elkarte) onartutako ezagutza-ziurtagiriak dituzten atzerriko hizkuntzak baizik ez dira balioetsiko; honako hauek, alegia: alemana, frantsesa, ingelesa, italiara, txinera, greziera, portugesa, errumaniera, errusiera, turkiera; eta balioetsiko dira baldin eta deialdia argitaratzean indarra badute.

Zein ziurtagiri balioetsiko dira?

ACLESek (Goi Mailako Hezkuntzako Hizkuntza Zentroen Elkarte) onartutako hizkuntzetan gaitasun aurreratua egiaztatzen duten ziurtagiriak, hau da, C1 edo C2 mailakoak.

MEREZIMENDUEN BAREMOKO III.1 ATALA: ETENGABEKO PRESTAKUNTZA

Zein prestakuntza ikastaro balioesten dira?

Soilik etengabeko prestakuntza eta hobekuntza ikastaro gaindituak, loturik egonez gero eskuratu nahi den espezialitatearekin, eskolaren antolaketarekin, hezkuntzari aplikatutako teknologia berriekin, didaktikarekin, psikopedagogiarekin edo hezkuntzako soziologiarekin, eta antolatu badituzte hezkuntza eskumen osoa duten administrazio publikoek edo unibertsitateek; edo hezkuntza administrazioekin elkarlanean ari diren entitateek antolatutako jarduerak badira eta etengabeko prestakuntza planean sartuak, edo kasuan kasuko hezkuntza administrazioak onartuak.

Zein puntuazio dagokie?

0,020 puntu emanen dira 10 prestakuntza orduko. Ondorio horietarako, prestakuntza jarduera guztietako orduen batuketa egingen da, eta ez da puntuaziorik emanen 10 ordutik beheetiko hondarrarengatik.

Zer agiri aurkeztu behar dira prestakuntza ikastaroak justifikatzeko?

Ikastaroen ziurtagiria, kasuan kasuko erakunde edo zentroak eginga, non ikastaroaren kreditu edo orduak espresuki adieraziko baitira. Etengabeko prestakuntzaren planeko jardueretan edo hezkuntza administrazioak onartu dituen ziurtagirian espresuki adierazi beharko da kasuan kasuko jarduera plan horretan sartuta dagoela edo hezkuntza administrazioak onartua dela; bestela, hori gabe, homologazioa edo onarpena erantsi beharko da.

Ziurtagirian orduak adierazi ordez, kredituak adierazi badira, zein da 10 orduren baliokidetasuna kreditutan?

Ulertuko da kreditu bat 10 ordu direla.

Balioetsiko dira ordu edo kredituen iraupena jasotzen ez duten ziurtagiriak?

Ez.

Balioetsiko dira prestakuntza ikastaroak edo jarduerak, haien deialdiaren egileak direnean hezkuntzakoak ez diren administrazioak edo irabazi asmorik gabeko erakundeak, etengabeko prestakuntzarako itunak sinatuak dituztenak?

Ez, jarduera sartua ez bada hezkuntza administrazioek sustaturiko prestakuntza plan batean edo haien onarpena ez badu; batean nahiz bestean erantsi beharko da hezkuntza administrazioak egindako homologazioa edo aitortza.

Irakasle gisa emandako ikastaroak balioetsiko dira?

Ez.

III. ATALA. MEREZIMENDUEN BAREMOKO 3.2 ATALA: HIZKUNTZEN TITULAZIOAK

Zein hizkuntza balioetsiko dira baremoko azpiatal honetan?

Euskara, ingelesa, frantsesa eta alemana baino ez dira baloratuko.

Zein ziurtagiri balioetsiko dira?

Euskararen, ingelesaren, frantsesaren edo alemanaren B2, C1 edo C2 maila egiaztatzen duten ziurtagiriak, Hizkuntzen Europako Erreferentzia Esparru Bateratuaren arabekoak (Hezkuntzako kontseilariaren otsailaren 28ko 30/2011 Foru Aginduan ezarri direnetakoak), haien balorazioa 2.4 edo 2.5 azpiataletan aurreikusita ez baldin badago.

Zein ziurtagiri ez dira baloratuko azpiatal honetan?

3.2 azpiatal honetan ez dira inolaz ere baloratuko unibertsitateko titulazioak, haien balorazioa 2.3 azpiatalean jasota baitago. Eta ez dira inolaz ere baloratuko merezimenduen baremoko 2.4 eta 2.5 azpiataletan, hurrenez hurren, baloratzen diren hizkuntzako ziurtagiriak.

Hizkuntza bereko maila desberdineko titulu edo ziurtagiri bat baino gehiago aurkezten badira, 2.4, 2.5 eta 3.2 azpiatalen arabera, goreneko mailakoa besterik ez da baloratuko. Hizkuntza berari dagozkion titulu edo ziurtagiri bat baino gehiago aurkezten badira, eta maila berekoak badira, 2.4, 2.5 edo 3.2 azpiataletan baloratzeko modukoak, hizkuntza horren ezagutza behin baizik ez da puntuatuko. Hizkuntza berari dagozkion titulu edo ziurtagiri bat baino gehiago aurkezten badira, eta B2 mailakoak badira, hizkuntza horren ezagutza behin baizik ez da puntuatuko. Euskaraz eman beharreko lanpostuetara lehiatuz gero, ez da euskara titulu bakar bat ere baloratuko.

ALDI BATERAKO KONTRATAZIORAKO IZANGAIEN ZERRENDAK

Hautapen prozedura bukatutakoan, aldi baterako kontrataziorako zerrenda berriak eratuko dira?

Bai. Oposizio-lehiaketa bukatu ondoren sortzen diren aldi baterako kontratazioetarako izangaien zerrendak arau honi jarraikiz kudeatuko dira: alderdi guztiei dagokienez: Hezkuntza Departamentuaren zerbitzuko irakasleen lanpostuak aldi baterako kontratazioaren bidez betetzeko izangaien zerrendak kudeatzeko arauak onesten dituen Foru Agindua, hots, zerrenda horiek egiten diren unean indarrean dagoena.

Zer araudik arautzen du aldi baterako kontrataziorako izangaien zerrenden eraketa?

Hezkuntzako kontseilariaren apirilaren 8ko [37/2020 Foru Agindua](#) arautzen du gai hau, foru agindu horren bidez onetsi baitziren Hezkuntza Departamentuaren zerbitzuan aldi baterako kontratuekin irakasle lanpostuetan aritzeko izangaien zerrendak kudeatzeko arauak.

Lehen probako lehenbiziko ariketara bakarrik aurkezten banaiz, badut eskubidea zerrenda orokorrean sartzeko?

Izangai bat deitutako lehen ariketara aurkezten bada eta ez bigarrenera, eta puntuazio positiboa lortzen badu lehen ariketan, kontratazio-zerrenda orokorrean sartuko da, betiere aldi baterako kontrataziorako izangaien kudeaketa-arauak erregulatzen dituen foru aginduan eskatzen diren titulazio-baldintzak betetzen baditu.